

Resolución numero: 1**Asunto:** Sufijo –ache**Testo de a resolución**

Cal emplegar –ache, no pas *–axe, tal como nos amuestran as bozes populares e chenerals en aragonés: *mesache*, *orache*.

Chustificación

Iste sufijo ye un ampre de l'oczitano –atge < lat. –ATICU, que s'adauta en aragonés en a forma –ache dende fa muito tiempo, posiblement ya dende finals de a Edá Meya. Asinas, por exemplo, en un documento de Bielsa de 1349 (DLAA, doc. lum. 113) alternan *pontache* y *pontage*. Por o tanto, a grafía d'atras bozes con a mesma rematanza, sigan d'emplego popular u sigan adautacions mudernas, abrá á estar –ache: *parache*, *boscache*, *montache*, *garache*, *biache*, *luengache*, *peache*, *potache*, *ramache*, *promenache*, *salbache*, ezetra. E nunca *–axe.

Bibliografía

Se beiga sobre isto:

- J.A. SAURA, *Topica Pyrenaica*, Zaragoza, 2000, p. 29.
- F. NAGORE, “Los occitanismos en aragonés”, *Alazet*, 6 (1994), pp. 119-173; p. 123, 128, 146-147, ez.
- DLLA = *Documentos lingüísticos del Alto Aragón*, de NAVARRO TOMÁS, T. (Syracuse University Press, 1957).